



## **Universitätsbibliothek Paderborn**

**Gnoti Seautón, Sive Arnoldi Geulincs Ethica**

**Geulincx, Arnold**

**Lugd. Batav., MDCLXXV**

§. 6. De Carne seu Voluptate.

[urn:nbn:de:hbz:466:1-48728](https://nbn-resolving.de/urn:nbn:de:hbz:466:1-48728)

98 De Carne seu Voluptate, §. 6.

dubio supponit aliquid (peccatum originale hoc vocant Christiani) hæc vide apud ipsos; ne nos ex Philosophiâ nostra exorbitemus.

§. 6. De Carne seu Voluptate.

**C**aro est proclivitas in bonum jucundum sine respectu ad alios, unde caro non est hic proclivitas in Venerem (ut alias etiam s̄epe nomen illud sumitur) sed generatim proclivitas in bonum jucundum qua tale, non considerando aestimationem, quam alii de nobis habeant; sunt autem præter Venerem alia bona jucunda multa, quas res secundas ante vocavimus. Vide Tract. 2. de Temperantia.

Sed inter res secundas solus homo respicit alios & aliorum de nobis existimationem, adeoque ille à consideratione carnis excludendus est. Rel quis igitur rebus secundis propter delectationem, quam in se continent inhiare, carnale est, etiam literarum & Philosophiæ studio, immo etiam Virtutum exercitiis & Officiis: ex quo facile liquet eos, qui rudem adolescentiam literis, Philosophiâ & humanitate excolendam susceperunt, vix tamen eos ad austерum Rationis dictamen parant, fabel-

fabellis autem & Musarum deliciis tenentur non procul à lenonibus abesse. Quibus ( etiamsi duriusculum hoc forte videatur , verum tamen est ) accensendi etiam sunt ii , qui Christianum populum amore illo Passionis , quem devotionem vocant ( vide Tract. I. §. I. ) ad cultum divinum allicere , in eoque stabilem & fixum continere conantur.

Nota vero non esse carnale dum rebus secundis ex præscripto Rationis vacamus , delectationes , quas nobis naturaliter injiciunt , admittere : sed carnale est illas captare , affectare , & rebus commemorationis propter earum delectationem vacare : quæ latius deducta vide Tract. 2. ubi de Imtemperantia & stupore.

Ex his etiam facile videmus , Carnem totum humanum genus invasisse , præser-tim vero infestat Adolescentiam & pri-mam ætatem ; non solent enim adolescentes , nec ad studia literarum , & multo minus ad Philosophiam & institutum aliquod vitæ amplectendum induci , nisi pellicie aliquâ Voluptate ; in qua arctius ad-huc adstringuntur per paedagogos & præceptores suos , qui ejus indolis non ignari , assentationibus , blanditiis Poëtarum , fabularumque illecebris inescante eos , aut potius

100 *De Mundo sive Gloriâ*, §. 7.

potius illaqueant, & quasi magnam rem  
præstiterint: ac bene de republicâ & hu-  
manâ societate meriti sint, cum ita credi-  
tam sibi juventutem prostituerunt, illa-  
quearunt, & Carni penitus manciparunt,  
gloriantur, & amplissimis se præmiis dignos-  
putant.

§. 7. *De Mundo sive Gloriâ*.

**M**undus affectat eam oblectationem,  
quæ ex aliorum hominum de nobis,  
actionibusque nostris existimatione conci-  
pitur. Cum vero existimationem illam  
(utpote ab aliorum arbitrio penitus depen-  
denter) facillime obtinere possumus, si iis  
gratificati fuerimus; hinc mundani homi-  
nes sæpe benefici ac munifici, bene de ci-  
vibus suis ac republica merentur, sed in  
his omnibus non aliud quam se quærunt,  
nempe gloriam, existimationem, dignita-  
tem, statum decorum, pompam & similia  
imaginationis ludibria, figmenta chimæ-  
ras, quæ difficulter verbis exprimuntur,  
sed à mundanis hominibus, aut iis, qui  
aliquando mundani fuerunt, facile intel-  
ligitur, quod hic dictum velimus.

Caro igitur se tantum respicit, & sui so-  
lā contemplatione ducitur. Mundus ve-  
ro